

Ոուրինա ՀԱՐՈՒԹՅՈՒՆՅԱՆ

ԲԱՑԱՌԱԿԱՆ, ԳՈՐԾԻԱԿԱՆ ԵՎ ՆԵՐԳՈՅԱԿԱՆ ՀՈԼՈՎՆԵՐԻ ՈՒՍՈՒՅՉՈՒՄ ՄԻՋԻՆ ԴՊՐՈՅՉՈՒՄ

Բացառական, գործիական, ներգոյական հոլովներից յուրաքանչյուրն ունի իր իմքնուրույն, սեփական ձևը, որը կարող է նպաստել նշված հոլովների յուրացմանը: Նրանց ուսուցումը կազմակերպվում է երեք փուլով՝ 1. հոլովի ձևի ուսուցում, 2. հոլովի իմաստի ուսուցում, 3. հոլովի շարահյուսական կիրառության ուսուցում:

Նշված հոլովների ձևի ուսուցման հիմքում ընկած է յուրաքանչյուր հոլովաճեկի կազմության առանձնահատկությունների վերհանումը, ինչը արտահայտվում է որոշակի վերջավարությունների միջոցով: Կրտսեր դպրոցից աշակերտները գիտեն, որ բացառական հոլովը կազմվում է *ից, ուց* վերջավորություններով, որոշակի վերջավորություն ունի նաև գործիական հոլովը՝ *ով, ը,* ներգոյական հոլովը ձևավորվում է *ում* հոլովակազմիչով: Քանի որ այս հոլովներն ունեն կայուն վերջավորություններ, ապա դրանցից յուրաքանչյուրի ձևի ուսուցման ժամանակ կարելի է հաշվի առնել վերջավորությունը: Կրտսեր դպրոցից աշակերտները գիտեն բացառական հոլովի անշատման իմաստը և խոսիք մեջ նրա՝ անուղղակի խնդրի շարահյուսական դերը (Ծառից պոկվեց տերևը:), գործիական հոլովի միջոցի իմաստն ու նրա՝ անուղղակի խնդրի շարահյուսական դերը (Փայտահատը տղոցով կարում է ծառը:) և ներգոյական հոլովի գործողության տեղի իմաստը (Հայկը սպիրում է վարժարանում:): Միջին դպրոցում ուսուցման խնդիրն է աշակերտներին հմտացնել այս հոլովների ճանաչման մեջ, ծանոթացնել նշված հոլովների գլխավոր և երկրորդական իմաստային հարաբերություններին ու շարահյուսական կիրառություններին: Յուրաքանչյուր հոլովի հիմնական և երկրորդային իմաստները դիտարկվում են նախադասությունների մեջ:

I. **Բացառական հոլովի** ուսուցման ընթացքում աշակերտներին պետք է բացատրել, որ նրա հիմնական՝ անշատման իմաստից են բխում նաև անական մյուս իմաստներն ու դրանցով պայմանավորված շարահյուսական կիրառությունները. այսպես՝ բացառականով արտահայտած պատճառի պարագան դիտվում է որպես մի բան առաջ բերող հանգամանք (Նա հուզունքից շփրվել էր:), տեղի պարագան իբրև ելման կետ (Գնացքը դուրս ելավ կայարանից:), ժամանակի պարագան՝ որպես ելման ժամանակակետ (Արամը գնացքին սպասում էր առավոտյան ժամը իննից:): Իհարկե, բացառական հոլովի արտահայտում է բազմաթիվ իմաստներ¹, որոնք բոլորն ել կարևոր են ու կիրառելի, սակայն միջին դպրոցում ուշադրությունը կենտրոնացվում է բացառականի արտահայտած հիմնական, խոսքում առավել հաճախարեալ կիրառություններին: Այս տեղի հաշվի են առնվազն նաև աշակերտների տարիքային առանձնահատկությունը, ընկալման հմարավորությունները, ինչպես նաև՝ դպրոցական ծրագրային նյութը:

Բացառական հոլովի ծագման, տեղի, ժամանակի, պատճառի իմաստներն ուսուցանելու համար աշակերտները դիտարկում են հետևյալ նախադասությունները՝

Տագում է մասուկ արևը գարնան

Լսիք, որդի՞ն, պատզամ որպես,

Կովկաս լեռների ձյունի պատմնեշից:

Սիրող քո մոր խոսք սրտանց,

(ծագման իմաստ)

Այսօրվանից հանձնում եմ քնզ

Հայոց լեզուն հազարագանձ:

(ժամանակի իմաստ)

Լեռներից, դաշտից, անտառի խորքից

Խեղճը դրդարկ՝

Հողը, իմ հողը կանչում է, կանչում:

Դարդից կռացավ,

(տեղի իմաստ)

(պատճառի իմաստ)

¹ Բացառական հոլովի արտահայտած իմաստների մասին մանրամասն տես Վ. Առաքելյան, Ժամանակակից հայերենի հոլովների և հոլովական կապակցությունների իմաստային առումները, Եր., 1957, էջ 126-148:

Աշակերտները, *ից* և *ուց* հոլովակազմից վերջավորություններով կողմնորոշվելով, գտնում են բացառական հոլովով դրված ամրամները: Այս գոյականներով բանավոր կազմում են նախադասություններ: Այսպես աշակերտները եզրահանգում են անում, ձևակերպում բացառական հոլովի բնորոշումը:

Բացառական հոլովը ցույց է տալիս այն առարկան, որից բխում, ծագում կամ սերվում է գործողությունը: Բացառական հոլովը պատասխանում է ուժից, ինչից, որտեղից, երբամից հարցերին: Բացառական հոլովը կազմվում է *ից*, *ուց* վերջավորություններով և սովորաբար գործածվում է անորոշ առումնով: Բացառական հոլովի այս ընդհանուր բնորոշումից հետո ուսուցիչն աշակերտների ուշադրությունը կենտրոնացնում է բացառական հոլովի կազմության վրա: Աշակերտները բացառական հոլովով դրված բառերը բաժանում են բաղադրիչների (լեռ-ներ-ից, երկնք-ից, խորք-եր-ից և այլն), որոշում վերջավորությունը, այնուհետև թվում տարբեր գոյականներ ից, *ուց* վերջավորություններով: Համանման վսալմերը կամիսերու նպատակով ուսուցիչն աշակերտների ուշադրությունը կենտրոնացնում է բացառական հոլովի կազմության հետևյալ օրինաչափությունների վրա.

ա) Ի հոլովման գոյականների բացառականը կազմվում է ուղղական հոլովի ձևից, ինչպես՝ բանվոր-բանվորից, բուկ-թվից: Ու ձայնավորով վերջացող միավանկ և երկվանկ մի խումբ բառերում եզակի բվի բացառական հոլովի *ից* վերջավորությունից առաջ ու-ն դառնում է վ, ինչպես՝ առող-առվից (և ոչ՝ առողից), ձու-ձից (և ոչ՝ ձուից):

բ) Ու հոլովման գոյականների բացառականը կազմվում է հնչյունափոխված կամ անհնչյունափոխ սեռականի հիմքից՝ բացառականի բուն ց վերջավորությամբ, ինչպես՝ այզի-այզ(ու)-այզուց, ձի-ձի(ու)-ձիուց, կաղնի-կաղն(ու)-կաղնուց, ուղի-ող(ու)-ուղուց, որդի-որդի (ու)-որդուց, (և ոչ՝ այզից, ձից, կաղնից, ուղից, որդից):

զ) Ան հոլովման գոյականների բացառականը կազմվում էր ուղղական հոլովի ձևից, ինչպես՝ բու-բուից, ուսում-ուսումից, լեռ-լեռից, ծունկ-ծոնկից (և ոչ՝ բուանից, ուսմանից...): Ան հոլովման պատկանող գարուն, ամառ, աշուն, ձմեռ բառերի բացառականը կազմվում է սեռականից՝ *ից* վերջավորությամբ՝ աշնանից, գարնանից, ամռան//ամառվա-ամառվանից, ձմռան//ձմռովա-ձմռովանից (և ոչ՝ ամռուց, աշունից):

դ) Վա հոլովման գոյականների բացառականը կազմվում է տրական հոլովից, ինչպես՝ օր-օրվան-օրվանից, շարաբ-շարաբվա-շարաբվանից, առավոտ-առավոտվա-առավոտվանից: Այս ձևերին զուգահեռ կիրառելի են ուղղական հոլովից կազմված ձևերը՝ օրից, շարաբից, առավոտից: Տարի բառը բացառական հոլովում սովորաբար ունենում է վա հոլովիշով ձևը՝ տարվանից, բայց կարող է գործածվել նաև ու հոլովման ձևով՝ տարուց (և ոչ՝ տարիից):

ե) Ոչ հոլովման գոյականների բացառականը կազմվում է սեռական հոլովից, ինչպես՝ քույր-քույրուցից, ընկեր-ընկերուց-ընկերուցից, տիկին-տիկինուց-տիկինուցից (և ոչ՝ քոյրից, տիկինից):

զ) Ա ներքին հոլովման գոյականների բացառականը կազմվում է ուղղական հոլովի ձևից, ինչպես՝ արյուն-արյունից, անկյուն-անկյունից, անուն-անունից, գիտություն-գիտությունից (և ոչ՝ արյանից, անկյանից, անվանից, գիտությանից):

է) Ո ներքին հոլովման բացառականը կազմվում է սեռականի ձևից, ինչպես՝ եղբայր-եղբայրից, հայր-հոր-հորից, հորեղբայր-հորեղբոր-հորեղբորից (և ոչ՝ եղբայրից):

Բացառական հոլովն ուսուցանելուց հետո կազմակերպվում են յուրացման սուսում և ամբակայող գործնական աշխատանքներ:

1. Բացառական հոլովի բնորոշումը, հարցերը, վերջավորությունները.
2. Բացառական հոլովի տարբեր կիրառությունները.
3. Ընտրովի թեկադրությունից դուրս գրել բացառական հոլովով դրված գոյականները.
4. Տրված բայերի հետ գործածել բացառական հոլովով գոյականները. հեռանալ, փախչել, դժգոհել, պոլկել, ընկնել, դուրս գալ.
5. Ծարքերով աշխատանք. կազմել հոլովների հարացույցը.

II. Գործիական հոլովի ուսուցման ընթացքում կրկնվում և խորացվում են աշակերտների՝ կրտսեր դպրոցում ստացած գիտելիքները: Աշակերտներին ծանոք է գործիական հոլովի գլխավոր՝ միջոցի խնդրի իմաստը. գործիական հոլովը ցույց է տալիս այն առարկան, որի միջոցով ենթական կատարում է գործողությունը (Փայտը

կտրում են կացնով, սղոցով: Երկաքը կոփում են մուրճով: Հացը կտրում են դանակով: Միջին դարոցում գործիական հոլովի իմանական իմաստներին գուգահեռ ուսուցանվում են նաև գործիական հոլովի նասնակոր դրսորումները՝ տեղի, ժամանակի, ձևի, միասնության պարագաները.² Գործիական հոլովի այս իմաստներն ուսուցանվում են նաև խաղասությունների միջոցով:

...Ոչ ոք չի տուժել զարկից մեր բազկի:

Եթե գերել ենք՝

Լոկ մեր գործերով.

Եթե տիրել ենք

Լոկ մեր ձիյորերով... (միջոցի անուղղակի խնդիր)

Վճրու ջուրը կարկաչով ցած էր հոսում թիերի արանքով և կորչում խոտերի մեջ:

Հազրոն գնում էր մշուշով (միջոցի գործիական)

ծածկված ծամփեզզով՝ զիսահակ և տիսուր: (տեղի պարագա)

Ժամանակով լինում են չեն լինում, մի քոյլ ու ախաղեր են լինում:

Բազմած լուսի նուրբ շողերին,

Հովի թկին թշելով՝

Փերիները սարի զիսին

Հավաքվեցին զիշերով: (ժամանակի պարագա)

Պատմիչները մեր վշտահար մեղմ կանքեղի լույսով անշեց,

Սի նշխարով, մի կում ջրով և ճգնուրյամբ զիշերն անքուն,

Պատմությունը մեր գրեցին մազաղաքի վրա դժույն: (ձևի պարագա)

Աշակերտները գոյականների գործիական հոլովի հեշտությամբ են գտնում: Նրանք գիտեն, որ գործիական հոլովը իմանականում կապվում է բայի հետ, ունի -ով վերջավորություն (միայն որով գոյականները ունեն -ք վերջավորություն, ինչպես՝ ցնծությամբ, ու ուսությամբ): Աշակերտները դիտարկում են նախադասությունները և գործիական հույսով դրված գոյականներին ուղղելով համապատասխան հարցը՝ կողմնորոշվում են, թե այդ բառերն ինչ են ցույց տալիս:

ա) Մակորով, մեզով բառաձևները ցույց են տալիս այն առարկան, որի միջոցով կատարվում է գործողությունը:

բ) Արանքով, ճամփեզզով բառաձևները ցույց են տալիս այն տարածությունը, տեղը, որով ընթանում է գործողությունը:

շ) Ժամանակով, զիշերով բառաձևները ցույց են տալիս այն ժամանակամիջոցը, որի ընթացքում կատարվում է գործողությունը:

դ) Լույսով, նշխարով, ջրով, ճգնուրյամբ բառաձևները ցույց են տալիս գործողության կատարման ձևը:

Այսպես աշակերտները եզրակացնում են, որ գոյականի գործիական հոլովը նախադասության մեջ լինում է բայի լրացում, ցույց է տալիս գործողության կատարման միջոցը, տեղը, ժամանակը, ձևը, այն առարկան, որի միասնությամբ, որի հետ կատարվում է գործողությունը, շարահյուսորեն լինում է բայական անդամի լրացում՝ անողությակի խնդիր և պարագա, պատասխանում է ումո՞վ, ինչո՞վ, որտեղո՞վ, ե՞րբ, որքա՞ն ժամանակով, ինչպես՞ս հարցերին և որոշիչ հոդ չի ստանում:

Աշակերտներին զաղափար է տրվում նաև գործիական հոլովի որոշային կիրառության մասին:³ Ուսուցիչը բացատրում է, որ երբեմն էլ գործիական հոլովով դրված բառը լրացնում է գոյականին և դատնում որոշիչ, ինչպես՝ տարիքով մարդ, համով ճաշ, ճոքերով կոչիկ, ուժով մարդ: Գործիական հոլովի որոշային կիրառությունն ավելի ընկալելի դարձնելու համար գուգադրում են գոյականների գործիական հոլովները և -վոր, -ավոր, -անի, -եղ ածանցներով կազմված նույնիմաստ ածականները.

տարիքով մարդ - տարիքավոր մարդ

ճոքերով կոչիկ-ճոքավոր կոչիկ

համով ճաշ - համեղ ճաշ

² Գործիական հոլովի արտահայտած իմաստների մասին մանրամասն տե՛ս Վ. Առաքելյան, նշվ. աշխ., էջ 150-165:

³ Վ. Ք ռ ս յ ա ն, Ժամանակակից հայերենի բառակապակցությունները, Եր., 1975, էջ 105-109:

ուժով մարդ –ուժեղ մարդ
յոթ գլխով հրեշ – յորգլխանի հրեշ
մեկ ամսով գործուրում–միամյա գործուրում
չորս տեղով բազմոց – չորստեղանի բազմոց
լայն թիկունքով մարդ – թիկնեղ մարդ
օրենքով գործ – օրինական գործ

Ուսուցիչն աշակերտների բառապաշարը հարստացնում է նաև նման կապակցություններով կազմված դարձվածքներով, ինչպես՝ երեսով մարդ (աներես), աղուհացով մարդ (հյուրասեր), բերանով մարդ (ճարտար լեզվով), հացով տեղ (եկամտարեր պաշտոն), զիսով մարդ (խելացի) և այլն:

Աշակերտներին զաղափար է տրվում նաև թ հոլովակազմիչով գործիականի կազմության ժամանակ կատարվող ն>մ հնչյունափոխության մասին: Աշակերտները զիսեն, որ որոշ գոյականներ գործիական հոլովում ունեն թ վերջավորություն և կազմվում են սեռական հոլովից, ինչպես՝ (ուղ.) արյուն-(սեռ.) արյան-(գործ.) արյամբ, ցնծություն-ցնծության-ցնծությամբ: Ուղղական-սեռական-գործիական հոլովածներից ակներև է սեռական հոլովածնի ն վերջնահնչյունի՝ գործիական հոլովում մի հնչյունափոխությունը: Աշակերտներին բացատրվում է, որ թ հոլովակազմիչով գործիական հոլովը կազմվում է փոխազդեցական հնչյունափոխության օրինաչփոխությամբ:⁴ Այսպես՝ բառի մեջ ն և մ հնչյունների միմյանց վրա ազդելու պատճառով տեղի է ունեցել փոխազդեցական հնչյունափոխություն՝ արյան + թ > արյամբ, ցնծության + թ > ցնծությամբ. թ հնչյունը, որն արտաքերման տեղով երկշրթային է, ազդել է իրենից առաջ գտնվող առաջնալեզվային ն-ի վրա և դարձել մ, որը նման է թ-ին արտաքերման տեղով:

Գործիական հոլովի ուսուցումն իրականացնելուց հետո ստուգվում է նրա յուրացումն ու կազմակերպվում ամրակայող գործնական աշխատանք:

- Գործիական հոլովի բնորոշումը, հարցերը, վերջավորությունները.
- Գործիական հոլովի կիրառությունները.
- Ցույց տալ գոյականների գործիականը և դրանցով կազմել նախադասություններ.
- Ընտրովի թերապությունից դրւու գործիական հոլովով արտահայտված գոյականները, որոշել նրանց հոլովական իմաստներն ու պաշտոնները.

III. Ներզոյական հոլովի ուսուցումը, նյու հոլովների հետ համեմատած ավելի հեշտ է, որովհետև ներզոյական հոլովի նշանակությունները սահմանափակ են:⁵ Ներզոյական հոլովը նյու հոլովներից սահմանազատվում է ոչ միայն իր իմաստային առանձնահատկություններով, այլև գործածության ծավալով և տարածումով. բազմաթիվ բառեր ներզոյականով չեն հոլովվում: Աշակերտներին կրտսեր դպրոցից ծանոթ է ներզոյականի ում վերջավորությունն ու տեղի իմաստը: Միջին դպրոցում տեղի իմաստին զուգահեռ աշակերտները ծանոթանում են նաև նրա՝ ժամանակի իմաստին:

Ներզոյական հոլովի տեղի, ժամանակի իմաստները հաղորդվում են նախադասությունների միջոցով:

Մի քարքարոտ հողում,
Զրի կարոտ հողում,
Հող ու քամու դիմաց
Մի կենս ժայռ է կանգնած:

Էսպես, ահավոր առյուծի նման,
Սասմա սարերում նատած էր իշխան:
(տեղի իմաստ)

Յոթերորդ դպրոց Հայաստանը բաժանված էր երկու մասի՝ պարսից իշխանության և բյուզանդական կայսրության միջև: (Ժամանակի իմաստ)

Դիտարկելով նախադասությունները՝ աշակերտները գտնում են ներզոյական հոլովվ դրված գոյականները, որոշում կազմությունը, տրվող հարցերը, կիրառությունները և եզրակացնում:

Ներզոյական հոլովը արտահայտում է պարտնակելու, իր ներսում մի բան ունենալու իմաստ: Ցույց է տալիս տեղ (հողում, զյուղում, դպրոցում, սարերում) և ժամանակ (օրում, դպրում):

⁴ Ա.Ս ու ք ի ա ս յ ա ն, Ժամանակակից հայոց լեզու, Եր., 1999, էջ 53-54:

⁵ Վ.Ա ս ա ք ե լ լ յ ա ն, նշվ. աշխ., էջ 165-167:

Տեղի իմաստ արտահայտող ներգոյական հոլովը ցույց է տալիս այն տեղը, որտեղ կամ որի ներսում կատարվում է գործողությունը: Ժամանակի իմաստ արտահայտող ներգոյականը ցույց է տալիս այն ժամանակամիջոցը, որի ընթացքում կատարվում է որևէ գործողություն:

Ներգոյական հոլովով դրված բառերը նախադասության մեջ լինում են բայի լրացում՝ տեղի կամ ժամանակի պարագաներ: Ներգոյական հոլովը հոդ չի ստանում: Ներգոյական հոլովի ժամանակի իմաստին անդրադառնախս ուսուցիչն աշակերտներին բացատրում է, որ ժամանակի իմաստով ներգոյական հոլովով դրվում են հիմնականում ժամանակ արտահայտող բառերը՝ տարի, ամիս, օր, դար, բոյե և այլն: Ժամանակ արտահայտող բառերը սովորաբար ներգոյական հոլովում ունենում են թվականով կամ չափ, քանակ ցույց տվող բառերով լրացումներ, և այդ լրացումներով հանդերձ են նրանք ցույց տալիս ժամանակի այն տևողությունը, որի ընթացքում կատարվում է գործողությունը, ինչպես՝ քառասուն տարում, յորերորդ դարում, հինգ օրում, երեք ժամում: Աշակերտներին զաղափար է տրվում նաև ներգոյական հոլովի գործածության սահմանափակումների մասին: Բացատրվում է, որ կամ բազմաթիվ բառեր, որոնք ներգոյականով չեն հոլովում. դրանցից են՝
ա) անձ ցույց տվող բառերն ու անձնանունները. աշակերտ, ուսուցիչ, Կարիմե, Արամ:
թ) -ում, -ուրյուն, -եղեն, -ունդ ածանցներով կազմված բառերի մեջ մասը, ինչպես՝ շարժում, գեկուցում, ուրախություն, տիսրություն, քանչարեղեն, կոշկեղեն, սնունդ և այլն,
զ) ժամանակ արտահայտող մի շարք բառեր, ինչպես՝ զարուն, ամառ, մայիս, հունիս, եղանակ, առավոտ, երեկո և այլն:

Այս բառերը պարունակելու իմաստն արտահայտում են սեռական հոլովածեով և մեջ կապով, ինչպես՝ շարժման մեջ, ուրախության մեջ, գեկուցման մեջ և այլն:

Ներգոյական հոլովի կազմությունը և իմաստը ուսուցանելուց հետո հարցազրոյցի ձևով անբականվում է յուրացումը.

1. Ի՞նչ վերջավորություն ունի ներգոյական հոլովը, ինչպես է կազմվում:
2. Ի՞նչ է արտահայտում ներգոյական հոլովը:
3. Ի՞նչ հարցերի է պատասխանում:
4. Ո՞ր գոյականները չունեն ներգոյական հոլով:
5. Ներգոյական հոլովը հոդ ստանո՞ւ՞ն է, թե՞ ոչ:

Կազմակերպվում է ամրակայող գործնական աշխատանք:

ա) Տրված բառերը նախադասությունների մեջ կիրառել ներգոյական հոլովին հատուկ պաշտոններով: թ) Ընտրովի թելադրությունից առանձնացնել ներգոյական հոլովով դրված գոյականները:

Այսահատվ, ուսուցման գործընթացը իրականացվում է որոշակի փուլերով՝ հոլովի ձևի ուսուցում, հոլովի իմաստի ուսուցում, հոլովի շարակյաւական գործառույթի ուսուցում: Միջին դպրոցում նշված հոլովների ուսուցման խնդիրները իրազործվում են մեթոդամանկավարժական մի շարք սկզբունքներով, որոնցից կարևորվում են ինտերակտիվ մեթոդն ու նրա եղանակները՝ վերլուծություն, համեմատություն, համադրություն, հակադրություն և այլն:

ОБУЧЕНИЕ В СРЕДНЕЙ ШКОЛЕ ОТЛОЖИТЕЛЬНОГО, ТВОРИТЕЛЬНОГО И МЕСТНОГО ПАДЕЖЕЙ

— *Резюме* —

— *P. Арутюнян* —

В статье обсуждаются вопросы изучения в средней школе отложительного, творительного и местного падежей. Процесс обучения осуществляется определенными этапами: обучение семантики падежа, синтаксиса и синтаксических функций.

Вопросы обучения указанных падежей осуществляются рядом методических принципов, из-коих важнейшими являются интерактивный метод и его способы: анализ, сравнение, сопоставление, противопоставление и т.д..